



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e-mail: info@voda.ba

Broj: **UP-1/21-3-40-452-5/23**
Datum: **05.01.2024. godine**

«Agencija za vodno područje rijeke Save» Sarajevo, na osnovu člana 217. Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK

o ispravljanju greške u rješenju

1. U Rješenju «Agencije za vodno područje rijeke Save», Sarajevo donesenom po zahtjevu pravnog lica „JUNUZOVIĆ-KOPEX“ d.o.o. Lukavac, broj: UP-1/21-3-40-452-4/23 ispravlja se greška u datumu donošenja rješenja, tako da umjesto datuma „21.11.2021. god.“, treba da stoji: **21.11.2023. godine.**
2. U ostalom dijelu rješenja ostaje nepromijenjeno.
3. Ovaj zaključak čini sastavni dio rješenja navedenog u tački 1. ovog zaključka i dostavlja se stranci, kojoj je dostavljeno rješenje.

Obrazloženje

Nakon što je uočena tehnička greška u rješenju o vodnoj dozvoli broj: UP-1/21-3-40-452-4/23 od 21.11.2023. godine, Agencija je pristupila izmjeni datuma donošenja rješenja. Izmjena se odnosi na godinu donošenja rješenja, te umjesto datuma „21.11.2021. god.“, treba da stoji: **21.11.2023. godine.**

U skladu s odredbama člana 217. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), ispravka greške proizvodi pravni učinak od dana od koga proizvodi pravni učinak rješenje koje se ispravlja.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradiyač akta

Haris Ališehović, dipl.inž.građ.


Po ovlaštenju

Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- "JUNUZOVIĆ-KOPEX" d.o.o. Lukavac, ul. Modrac-Studenac bb, 75300 Lukavac
- AVP Sava, ISV - Vodna knjiga
- Sektor 40, arhiva
- AVP Sava - Oglasna ploča



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-3-40-452-4/23**
Datum: **21.11.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „JUNUZOVIĆ-KOPEX“ d.o.o. Lukavac za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „JUNUZOVIĆ-KOPEX“ d.o.o. Lukavac – P.J. Lukavac, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „JUNUZOVIĆ-KOPEX“ d.o.o. Lukavac daje se vodna dozvola za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „JUNUZOVIĆ-KOPEX“ d.o.o. Lukavac – P.J. Lukavac, izgrađene na zemljištu označenom kao k.č. broj: 2729/5 K.O. Lukavac, Grad Lukavac.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=100 \text{ m}^3$ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan redovno vršiti kontrolu međuplašnog prostora rezervoara, njihovo čišćenje kao i kontrolu rada.
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa lokacije predmetne benzinske pumpe nesmetano sakupljaju i odvođe do ugrađenih separatora ulja i naftnih derivata, a zatim preko okna za monitoring ispuštaju u gradski kanalizacioni kolektor kojim upravlja JP „Rad“ d.o.o. Lukavac.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 3.7. Korisnik poslovnog objekta je obavezan da izgrađene objekte, a čija svrha je odvođenje i

- prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda, tačke 22, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „JUNUZOVIĆ-KOPEX“ d.o.o. Lukavac, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Pravno lice „JUNUZOVIĆ-KOPEX“ se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa „JUNUZOVIĆ-KOPEX“ d.o.o. Lukavac - P.J. Lukavac, izgrađene na zemljištu označenom kao k.č. broj: 2729/5 K.O. Lukavac, Grad Lukavac.

U provedenom postupku dostavljena je i pregledana slijedeća dokumentacija:

- Ovjereni kopiji Aktuelnog izvoda iz sudskog registra bez broja 02.10.2023 godine izdata od Općinskog suda u Tuzli;

- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 06.12.2018. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-UPJR/1-4187-2/09 dana 20.08.2009. godine donesenog od Uprave za indirektno-neizravno oporezivanje Banja Luka;
- Ovjerena kopija Rješenja o odobrenje za građenje donesenog od strane Službe za urbanizam, prostorno planiranje Općine Lukavac, broj: 05/1-23-1-2-1172/16 dana 24.10.2016. godine.
- Ovjerena kopija Rješenja za upotrebu donesenog od strane Službe za urbanizam, prostorno planiranje Općine Lukavac, broj: 06-23-3-2181/18 dana 12.12.2018. godine
- Kopija Rješenje o vodnoj dozvoli donesenog od strane Agencije za vodno područje rijeke Save, broj: UP-1/21-3-40-512-4/18 od 23.10.2018. godine;
- Glavni projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa benzinske stanice u Lukavcu, urađenog od strane projektne firme „SPREČA“ d.d. Lukavac, broj: 051-01-01-1107/16, juni 2016. godine;
- Projekat izvedenog stanja hidroinstalacija benzinske pumpe JUNUZOVIĆ-KOPEX broj: 10-92/18 od septembar 2018. godine urađen od strane „TQM“ d.o.o. Lukavac;
- Kopija Izvještaja o monitoringu kvaliteta i kvantiteta otpadnih voda benzinske pumpe „JUNUZOVIĆ-KOPEX“ - P.J. Lukavac, urađen od strane „TQM“ d.o.o. Lukavac, juni 2023. godine;
- Dokaz o uplati upravne pristojbe i administrativna taksa na zahtjev.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-452-2/23 od 14.11.2023. godine i konstatovano slijedeće:

Predmetna benzinska stanica izgrađena je u ul. Lukavičkih brigada, na zemljištu označenom kao k.č. broj: 2729/5 K.O Lukavac, Grad Lukavac.

Na predmetnoj lokaciji izgrađeni su slijedećih sadržaji: nadstrešnica, automati za istakanje goriva, pomoćne prostorije, kancelarijski prostor, parking prostor, podzemni čelični dvoplašni rezervoar za skladištenje nafte i naftnih derivate.

Vodosnabdijevanje objekata izvest će se putem priključka na mjesni vodovodni sistem. Na lokaciji kompleksa nastaju oborinske onečišćene vode i sanitarno-fekalne otpadne vode. Oborinske onečišćene vode će se prikupljati putem slivnika sa slivnom rešetkom u internu kanalizacionu mrežu i odvesti do tipskog separatora, te preko okna za monitoring ispuštati u gradski kanalizacioni kolektor kojim upravlja JP „Rad“ d.o.o. Lukavac. Smještaj goriva se vrši u ukopanim čeličnim dvoplašnim rezervoarima ukupnog kapaciteta 100 m³.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme

javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnositelj zahtjeva ispunio minimum uslova za izdavanje vodne dozvole za ispuštanje oborinskih onečišćenih voda, te je riješeno kao u dispozitivu ovog rješenja.

Na osnovu provedenog postupka konstatuje se da je podnositelj zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.grad.

Prilog:

- Glavni projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa benzinske stanice u Lukavcu, urađenog od strane projektne firme „SPREČA“ d.d. Lukavac, broj: 051-01-01-1107/16, juni 2016. godine;
- Projekat izvedenog stanja hidroinstalacija benzinske pumpe JUNUZOVIĆ-KOPEX broj: 10-92/18 od septembar 2018. godine urađen od strane „TQM“ d.o.o. Lukavac.
- Kopija Izvještaja o monitoringu kvaliteta i kvantiteta otpadnih voda benzinske pumpe „JUNUZOVIĆ-KOPEX“ - P.J. Lukavac, urađen od strane „TQM“ d.o.o. Lukavac, juni 2023. godine.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.grad.



Dostaviti:

- "JUNUZOVIĆ-KOPEX" d.o.o. Lukavac, ul. Modrac-Studenac bb, 75300 Lukavac (Prilog)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava